

〔三代實錄清和〕貞觀七年正月四日丙戌，去年陰陽寮奏，明年可有兵疫之災，近日天文博士奏，應警兵事。

〔類聚符宣抄九〕左大弁藤原朝臣邦基傳宣，左大臣宣奉勅，以助教從五位下十市部良佐，宣令進天文奏者。

延長八年七月廿四日

左大史錦部宿禰春蔭奉

〔親信卿記〕天祿三年十二月六日，天文博士安倍晴明於右兵衛陣外，令奏天文奏。依觸奏文云，去月廿日歲星犯進賢云々，今月四日月與太白同度云々，又令奏云，從去春比有疫癘變，今臨冬季，其事不空，可被行四角祭云々，又天文博士以忠宿禰令奏密奏，其變只載月與太白同度文，件二人奏，晴明加左大臣封，以忠宿禰加自封，尋問故實，有仰可加云々，十一日，以忠宿禰差美濃掾，同以信令奏密奏，即令申云，所煩侍所令奉也，但先例如此之間，差習學者，進上已例也，件以信蒙宣旨云々，其變去九月，月犯畢云々，又晴明同令奏云々，十四日，以信進以忠朝臣。朝臣，依上密奏，去十一日月犯井西反星，天延元年正月九日，天文博士晴明奏變異，其書云，二日白虹匝日，五日白氣亘艮坤，七日鎮星犯東井第五星，四月十九日，天文博士晴明進密奏云，去十八日丑時，月犯斗建星云々，六月廿六日，主稅頭以忠朝臣奏天文密奏，月犯畢云々。

〔朝野群載十五〕謹奏

今年康平三年十二月十四日己巳夜丑時，月蝕鬼宿十五分

謹檢天文要錄云，月者大陰之精，女主之象也，京房曰，月蝕，水多兵起，五役多死，帝覽曰，月蝕從傍，謂失令相當之，又云，月蝕女主慎之，又云，月冬蝕，其國有女喪，天文錄云，月蝕，其國君王有病，不出三年，三摩司馬云，月蝕為將相相當之，又云，天子惡之，天地瑞祥志云，月從傍蝕，相國惡之，又天下兵起，人民飢亡，乙巳占月十四日蝕，天下兵，河圖曰，月蝕望日，天火燒萬物，女君有口，占云，小寒月無々々乃